

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը՝** ԳԲՔԱ-ԼՕ-2021/114

**Բողոքի ներկայացման ամսաթիվը՝** 10.12.2021թ.

**Շտկված բողոքի ամսաթիվը՝** 15.12.2021թ.

**Բողոք բերող անձ՝** «Ֆիրմա Ալֆա» ՍՊԸ

**Պատվիրատու՝** «Հայաէրոնավիգացիա» ՓԲԸ

**Գնման ընթացակարգի ծածկագիրը՝** «ՀԱՆ-ԳՀԱՊՁԲ-20/21» գնանշման հարցում

**Գնման առարկան՝** տեսամոնիտորների ձեռքբերում

**Բողոքի պահանջը՝** պարտավորեցնել «ՀԱՆ-ԳՀԱՊՁԲ-20/21» ծածկագրով գնանշման հարցման գնահատող հանձնաժողովի առ 08.12.2021թ.-ի թիվ 2 արձանագրության՝ 1-ին չափաբաժնով «Փրիթի Ուեյ» ՍՊԸ-ին ընտրված մասնակից ճանաչելու մասին որոշումն և վերջինիս հետ պայմանագիր կնքելու մասին որոշումը ճանաչել անվավեր և «Փրիթի Ուեյ» ՍՊԸ-ի հայտը մերժել:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Mitsubishi Electric Corp. / SMART Technologies Inc. / AVer Information Inc. / CleverTouch  
Regional Distributor  
Legrand | AV | Panasonic Corp. | Sharp NEC Display Solutions  
Country Distributor  
Polycom  
Certified Channel PARTNER

**FIRM ALPHA CO., LTD**

since 1995

Tekeyan Business Centre,  
50 Khanjyan St.,  
Yerevan 0025, Republic of Armenia  
Phone/Fax: +374 10 52 13 56; +374 10 55 56 13  
E-mail: [info@alpha.am](mailto:info@alpha.am)  
URL: [www.alpha.am](http://www.alpha.am)

N 1/10-12/10  
10 դեկտեմբերի, 2021

ՀՀ գնումների հետ կապված բողոքներ քննող անձին  
Հասցե՝ ՀՀ, ք. Երևան 0010, Մելիք-Ադամյան փող. 1

Բողոք բերող անձ՝ «Ֆիրմա Ալֆա» ՍՊԸ  
Հասցե՝ ՀՀ, ք. Երևան 0025, Խանջյան փող., շ. 50,  
«Թեքեյան բիզնես կենտրոն»

Պատվիրատուի անվանումը՝ «Հայաէրոնավիգացիա» ՓԲԸ  
Հասցե՝ ՀՀ, Երևան 0042, «Զվարթնոց» ՕԿ, Բ. Գասպարյան 33

«ՀԱՆ-ԳՀԱՊՁԲ-20/21» տեսամոնիտորների  
մատակարարման գնանշման հարցում


**ԲՈՂՈՔ**

Սույնով «Ֆիրմա Ալֆա» ՍՊԸ-ն (ՀՀ, ք. Երևան 0025, Խանջյան փող., շ. 50, «Թեքեյան բիզնես կենտրոն», Հեռ. +374 10 52-13-56, E-mail: [info@alpha.am](mailto:info@alpha.am)) պաշտոնապես ներկայացնում է բողոք՝ «Հայաէրոնավիգացիա» ՓԲԸ-ի կողմից «ՀԱՆ-ԳՀԱՊՁԲ-20/21» ծածկագրով գնանշման հարցման անցկացման ընթացքում գնահատող հանձնաժողովի գործողությունների (անգործության) և ՀՀ գնումների մասին գործող օրենսդրության կոպիտ խախտումների դեմ:

Ա.թ. դեկտեմբերի 01-ին «Ֆիրմա Ալֆա» ՍՊԸ-ն ARMEPS համակարգի միջոցով [info@armeps.am](mailto:info@armeps.am) էլեկտրոնային փոստից ստացել է «Հայաէրոնավիգացիա» ՓԲԸ կողմից «ՀԱՆ-ԳՀԱՊՁԲ-20/21» ծածկագրով էլեկտրոնային ձևով անցկացվող գնանշման հարցման հրավերն և մասնակցել է նշված գործընթացին, որի 1-ին (միակ) չափաբաժնով նախատեսվում էր Պատվիրատուի կարիքների համար ձեռքբերել տեսամոնիտորներ (Հրավերի պայմանագրի Հավելված №1-ի «Տեխնիկական բնութագիր-գնման ժամանակացույց» պատճենը՝ 2 (երկու) թերթ կցված է սույն բողոքին):

Համաձայն 16.12.2016 թ. «Գնումների մասին» ՀՀ օրենքի 29-րդ հոդվածի 1-ին մասի ա.թ. դեկտեմբերի 02-ին «Ֆիրմա Ալֆա» ՍՊԸ-ն ARMEPS համակարգի միջոցով դիմել է «ՀԱՆ-ԳՀԱՊՁԲ-20/21» ընթացակարգի գնահատող հանձնաժողովին, խնդրելով տալ պարզաբանումներ որոշ առաջացած հարցերի վերաբերյալ և նույն օրը գնահատող հանձնաժողովը կրկին ARMEPS համակարգի միջոցով հրապարակել է պաշտոնական պարզաբանում (Պարզաբանման պատճենը՝ 1 (մեկ) թերթ կցված է սույն բողոքին):

Հայտերը բացվել են ա.թ. դեկտեմբերի 08-ին ժամը 10.00-ին և նույն օրը ընդամենը 3 ժամ անց՝ 13.12-ին ARMEPS համակարգի միջոցով [info@armeps.am](mailto:info@armeps.am) էլեկտրոնային փոստից «Ֆիրմա Ալֆա» ՍՊԸ-ն ստացել է «ՀԱՆ-ԳՀԱՊՁԲ-20/21» ծածկագրով գնման ընթացակարգի առ 08.12.2021թ. N 2 Արձանագրություն և «Փրիթի ուեյ» ՍՊԸ-ի հետ Պայմանագիր կնքելու մասին գնահատող հանձնաժողովի առ 08.12.2021թ. որոշումը (N2 Արձանագրության պատճենը՝ 1 (մեկ) թերթ և Պայմանագիր կնքելու մասին որոշման պատճենը՝ 1 (մեկ) թերթ կցված են սույն բողոքին):



Ուսումնասիրելով [www.armeps.am](http://www.armeps.am) կայքում հասանելի մասնակիցների հայտերը, մասնավորապես **Հավելվածներ № 1.1** «Ֆիրմա Ալֆա» ՍՊԸ-ն եզրակացության եկավ, որ «Փրիթի ուեյ» ՍՊԸ-ի կողմից ներկայացված առաջարկը (Հավելված № 1.1 պատճենը՝ 1 (մեկ) թերթ կցված է սույն բողոքին) չի համապատասխանում հրավերի մինիմալ տեխնիկական պահանջներին, քանզի

1. ARMEPS համակարգում հրապարակված Պատվիրատուի առ 02.12.2021թ. պաշտոնական պարզաբանումում սեկվով սպիտակի վրա արձանագրված է, որ «IPS» հապավման բացվածքն է «Intelligent Pixel Shift», ինչը հանդիսանում է հրավերով պահանջված դիսպլեյի հատուկ բնութագիր նախագծված մնացորդային պատկերների վերացման համար:

Մինչդեռ «Փրիթի ուեյ» ՍՊԸ-ի կողմից ներկայացված ապրանքի ամբողջական նկարագրում (Հավելված N1.1) առաջարկված Samsung VM55T-E մակնիշի դիսպլեյի (<https://displaysolutions.samsung.com/digital-signage/detail/1764/VM55T-E> - արտատպումը արտադրողի կայքից՝ ընդամենը 13 (տասներեք) թերթ կցված է սույն բողոքին) պարագայում «IPS» հապավումը համաձայն Samsung ընկերության պաշտոնական WEB կայքի (<https://pid.samsungdisplay.com/en/learning-center/white-papers/va-vs-ips> - արտատպումը արտադրողի կայքից՝ ընդամենը 5 (հինգ) թերթ կցված է սույն բողոքին) նշանակում է «In-Plane Switching», ինչը հանդիսանում է հեղուկ-բյուրեղային (LCD) մատրիցաների արտադրման տեխնոլոգիա:

Նշենք, որ ՀՀ Երևան քաղաքի ընդհանուր իրավասության դատարանն առ 27.03.2019թ. №ԵԿԴ/5041/02/17 վճռով հաստատել է արտադրողների պաշտոնական WEB կայքերի օգտագործման օրինականությունը մրցույթների արդյունքները գնահատելիս:

2. «Փրիթի ուեյ» ՍՊԸ-ի կողմից ներկայացված առաջարկվող ապրանքի ամբողջական նկարագրում (Հավելված N1.1) խստոր բացակայում են վերոհիշյալ պաշտոնական պարզաբանումով միանշանակ պահանջվող տեսապատերի համար հատուկ նախատեսված 4 հատ պատի կախիչներն և նրանց մակնիշները:

3. «Փրիթի ուեյ» ՍՊԸ կողմից ներկայացրած առաջարկվող ապրանքի ամբողջական նկարագրում (Հավելված N1.1) ֆիրմային անվանման սյունակում անգլերեն գրված է «Video-Wall display», ինչը հայերեն նշանակում է ընդամենը «Տեսապատ»:

Ակնհայտ է, որ տվյալ անվանումը սխալ է, չի համապատասխանում իրականությանը, իսկ առաջարկվող Samsung ընկերության արտադրության դիսպլեյների ֆիրմային անվանումն իրականում «Samsung» է:

Հարկ ենք համարում նաև նշել, որ «LՄՆՍ» ՍՊԸ-ի կողմից ներկայացված առաջարկի (Հավելված №1.1 պատճենը՝ 1 (մեկ) թերթ կցված է սույն բողոքին) առաջին 4 սյունակում գետնեղված տեղեկությունները առաջարկված ապրանքի (Mitsubishi մոնիտորներ) ֆիրմային անվանման, ապրանքային նշանի, մակնիշի և արտադրողի անվանման վերաբերյալ, նույնպես սխալ են և ենթակա են շտկման: Ի դեպ, այս փաստը անհասկանալի պատճառներով ևս դուրս է մնացել գնահատող հանձնաժողովի ուշադրությունից:

Նշենք, որ ՀՀ գնումների մասին գործող օրենսդրությունը՝ ներառյալ ենթաօրենսդրական ակտերը, բացառապես տարբերություն չի դնում տեխնիկական բնութագրերի, ապրանքային նշանի, ծագման երկրի և այլ տվյալների միջև և ոչ մի ձևով չի դասակարգում այդ տվյալներն ըստ կարևորության կամ նշանակության, այսինքն բոլոր վերը թվարկված տվյալներն օրենսդրի կողմից դիտվում են որպես իրավահավասար:

Եթե վերը թվարկված տվյալների որևիցե դասակարգում տեղի ունենար, ապա այդ փաստը պետք է ամրագրված լիներ ՀՀ գնումների մասին գործող օրենսդրությունում:

Տպավորություն է ստեղծվում, որ գնահատող հանձնաժողովը «Փրիթի ուեյ» ՍՊԸ կողմից ներկայացված Հավելված N1.1-ին պատշաճ ուշադրություն չի հատկացրել և առկա տեղեկություններն ճիշտ չի գնահատել, գալով սխալ եզրահանգման:

Ելնելով վերը նշված փաստերից գտնում ենք, որ Պատվիրատուն ուղղակիորեն և կոպիտ խախտել է 16.12.2016 թ. «Գնումների մասին» ՀՀ օրենքի 34-րդ հոդվածի (Հայտերի գնահատումը)

- 1-ին մասի դրույթները, այն է՝ «...Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են...»:

- 5-րդ մասի 2-րդ կետի դրույթները, այն է՝ «...հանձնաժողովը գնահատում է սույն մասի 1-ին կետի համաձայն ներկայացված փաստաթղթերի (տեղեկությունների) համապատասխանությունը հրավերով

սահմանված պահանջներին, և հրավերով սահմանված դեպքերում ու կարգով գնահատում է տվյալ մասնակցի գնային և ոչ գնային (տեխնիկական) առաջարկի հիմնավորվածությունը...»

- 6-րդ մասը, այն է՝ «...հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները...»:

Բացի այդ, խախտվել են ՀՀ Կառավարության 04.05.2017թ. N 526 -Ն որոշմամբ հաստատված «Գնումների գործընթացի կազմակերպման» Կարգի VII բաժնի՝

- 32-րդ կետի 1-ին ենթակետի «գ» պարբերության դրույթները, այն է՝ «...սպրանքների գնման դեպքում իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր)...»:

- 40-րդ կետի 5-րդ ենթակետի դրույթները, այն է՝ «...Ապրանքների գնման դեպքում հանձնաժողովը գնահատում է նաև ներկայացված ապրանքի ամբողջական նկարագրերի համապատասխանությունը հրավերի պահանջներին...»:

- 67-րդ կետի դրույթները, այն է՝ «... եթե մասնակցի ներկայացրած տվյալների իսկության ստուգման արդյունքում տվյալները որակվում են իրականությանը չհամապատասխանող, ապա տվյալ մասնակցի հայտը մերժվում է...»:

Ուստի, պաշտոնապես ներկայացնում ենք պահանջ՝ «Հայաերոնավիգացիա» ՓԲԸ «ՀԱՆ-ԳՀԱՊԶԲ-20/21» ծածկագրով գնանշման հարցման ընթացակարգի գնահատող հանձնաժողովի առ 08.12.2021թ. N 2 Արձանագրության 1-ին չափաբաժնով «Փրիթի Ուեյ» ՍՊԸ-ին ընտրված մասնակից ճանաչելու մասին որոշումն և վերջինիս հետ պայմանագիր կնքելու մասին կայացրած որոշումը ճանաչել անվավեր (չեղյալ) և «Փրիթի Ուեյ» ՍՊԸ հայտը՝ մերժել:

«Ֆիրմա Ալֆա» ՍՊԸ տվյալները՝

- ՀՎՀՀ 01204713

- ՀՀ, ք.Երևան 0025, Խանջյան փող.50, «Թեբեյան բիզնես կենտրոն»

- «Ամերիաբանկ» ՓԲԸ, Հ/Հ 1570005003790100

Կից ներկայացվում է՝

- «ՀԱՆ-ԳՀԱՊԶԲ-20/21» ծածկագրով գնանշման հարցման Հրավերի Պայմանագրի Հավելված N°1-ի՝ «Տեխնիկական բնութագիր-գնման ժամանակացույց», պատճենը՝ 2 (երկու) թերթ.

- «ՀԱՆ-ԳՀԱՊԶԲ-20/21» ընթացակարգի գնահատող հանձնաժողովի առ 02.12.2021թ. պաշտոնական պարզաբանման պատճենը՝ 1 (մեկ) թերթ.

- «ՀԱՆ-ԳՀԱՊԶԲ-20/21» ընթացակարգի հանձնաժողովի առ 08.12.2021թ. N 2 Արձանագրության պատճենը՝ 1 (մեկ) թերթ.

- «ՀԱՆ-ԳՀԱՊԶԲ-20/21» ընթացակարգի գնահատող հանձնաժողովի պայմանագիր կնքելու մասին առ 08.12.2021թ. որոշման պատճենը՝ 1 (մեկ) թերթ.

- «Փրիթի Ուեյ» ՍՊԸ կողմից ներկայացված առ 06.12.2021թ. Հրավերի N 1.1 հավելվածի պատճենը՝ 1 (մեկ) թերթ.

- «ԼԱՆՍ» ՍՊԸ կողմից ներկայացված առ 07.12.2021թ. Հրավերի N 1.1 հավելվածի պատճենը՝ 1 (մեկ) թերթ.


- Samsung VM55T-E մակնիշի դիսիլեյի բնութագրերի արտատպումն արտադրողի՝ Samsung ընկերության պաշտոնական WEB կայքից՝ ընդամենը 13 (տասներեք) թերթ:

- Արտադրողի՝ Samsung ընկերության պաշտոնական WEB կայքում ներկայացված «IPS» հապավման բացվածքի պատճենը ընդամենը 5 (հինգ) թերթ:

- Բողոքարկման վճարը կատարած լինելը հիմնավորող փաստաթղթի՝ վճարման հանձնարարագիր N000343 առ 09.12.2021 թ. պատճենը՝ ընդամենը 1 (մեկ) թերթ:

«Ֆիրմա Ալֆա» ՍՊԸ

Գլխավոր տնօրենի ժ.պ., տեխնիկական տնօրեն  
տ.գ.թ.



Է.Մաղաթեյան